



An Binse Achomhairc Fostaíochta  
Employment Appeals Tribunal

---

# **An Binse Achomhairc Fostaíochta**

## **Tuarascáil Bhliantúil**

### **2025**

Arna chur faoi bhráid an Aire Fiontar, Turasóireachta agus Fostaíochta faoi Alt 39(18) de na hAchtanna  
um Íocaíochtaí Iomarcaíochta, 1967 go 2014

# Clár ábhair

<b>Réamhrá an Chathaoirligh</b>	<b>3</b>
<b>Baill agus Comhdhéanamh an Bhinse Achomhairc Fostaíochta 2025</b>	<b>5</b>
<b>Díscaoileadh an Bhinse Achomhairc Fostaíochta</b>	<b>5</b>
<b>Teagmháil</b>	<b>6</b>
<b>Staitisticí cásanna</b>	<b>6</b>
<b>Achomhairc chun na hArd-Chúirteanna</b>	<b>7</b>
<b>Cinntí an Bhinse Achomhairc Fostaíochta</b>	<b>7</b>

## Ráiteas Misin

‘Modh neamhchostasach agus neamhfhoirmiúil a sholáthar chun díospóidí faoi chearta fostaíochta a bhreithniú faoi chorp na reachtaíochta a thagann faoi raon feidhme an Bhinse.’

# Réamhrá an Chathaoirligh

A Aire

Tá áthas orm an 58ú Tuarascáil Bhliantúil ón mBinse Achomhairc Fostaíochta don bhliain 2025, de réir Alt 39(18) de na hAchtanna um Íocaíochtaí Iomarcaíochta 1967 go 2014, a chur faoi do bhráid. Tugadh Binse na nAchomhairc um Íocaíochtaí Iomarcaíochta, a bunaíodh faoin Acht sin in 1967, ar an mBinse Achomhairc Fostaíochta faoin Acht um Dhífhostú Éagórach, 1977 agus tabharfar “an Binse” air anseo feasta.

Is comhlacht neamhspleách gar-bhreithiúnach é an Binse a fhaigheann a dhlínse ó go leor reachtanna um chosaint fostaíochta. Is í an mhórchuid d’obair an Bhinse breithniú a dhéanamh ar dhíospóidí dlí fostaíochta a eascraíonn nuair a chuirtear deireadh leis an gcaidreamh fostaíochta. Tá feidhm achomhairc aige freisin maidir le díospóidí a thagann chun cinn le linn an chaidrimh fostaíochta. Mar sin féin, faoi na hAchtanna um Dhífhostú Éagórach 1977 go 1993 d’fhéadfadh éilitheoir a roghnú go n-éistfí a chás/cás dífhostú éagórach go príobháideach os comhair an Choimisinéara um Chearta nó go poiblí os comhair an Bhinse. Sa chéad chás rinneadh achomharc chuig an mBinse. Gach bliain roghnaíonn formhór na n-éilitheoirí go n-éistfeadh an Binse go poiblí lena n-éileamh ar dhífhostú éagórach. Déileálann an Binse go heisiach le díospóidí cearta fostaíochta aonair seachas le díospóidí leasa.

Bíonn cinntí an Bhinse, go ginearálta, bunaithe ar fhianaise ó bhéal faoi mhionn, lena n-áirítear croscheistiú, na bpáirtithe agus a gcuid finnéithe. Déantar gach éisteacht os comhair an Bhinse go poiblí, ach amháin sa chás go gceadófaí iarratas ag ceachtar páirtí go n-éistfí leis an gcás le cruinniú iata.

Mar chuid d’atheagrú na gcomhlachtaí réitithe díospóidí fostaíochta faoin Acht um Chaidreamh san Áit Oibre 2015 tá córas breithnithe dhá shraith tagtha in ionad an bhunchórais. Tá an córas atheagraithe comhdhéanta den Choimisiún um Chaidreamh san Áit Oibre mar chomhlacht céadchéime agus an Chúirt Oibreachais mar chomhlacht achomhairc. Déanann an dá chomhlacht seo breithiúnas anois ar gach díospóid fostaíochta, cibé acu díospóidí cearta nó leasanna. Ba é an 1 Deireadh Fómhair 2015 an lá dílseacháin don chóras atheagraithe.

Tá gach cás oidhreachta tugtha chun críche anois ag an mBinse.

Le linn 2025, cailleadh beirt chomhaltaí den Bhinse a thug seirbhís fhada luachmhar don Bhinse.


Thar ceann bhaill an Bhinse agus thar mo cheann féin is mian liom comhbhrón ó chroí a dhéanamh le muintir MacCarthy ar bhás Dermot MacCarthy SC, ar chuir a chuid eolais fhairsing ar an dlí agus a thaithí ollmhór go mór lena luach mar chomhalta den Bhinse.

Déanaim ár gcomhbhrón ó chroí freisin leis an teaghlach O’Donnell ar bhás Seamus O’Donnell a bhí ina chomhalta fadbhunaithe agus fíorluachmhar den Bhinse.

Gabhaim buíochas leat a Aire agus leis an Roinn as na háiseanna agus na hacmhainní a chur ar fáil chun go bhféadfaidh an Bhinse a chuid oibre a chur i gcrích in 2025.

Mar fhocal scoir, ba mhaith liom buíochas a ghabháil le Therese Hickey ón Rúnaíocht as an tacaíocht den scoth agus fíorluachmhar a leanann sí ag tabhairt don Bhinse. Mar gheall ar a taithí agus a saineolas ar fheidhm riaracháin an Bhinse in éineacht lena dea-ghiúmar seasmhach is deas a bheith ag obair léi. Ba mhaith liom buíochas ó chroí a ghabháil le comhaltaí an Bhinse as a dtiomantas leanúnach. Sócmhainn thar a bheith luachmhar don Bhinse is ea a gcuid eolais agus saineolais.

Is mise le meas,

A handwritten signature in black ink that reads "Kate T. O'Mahony". The signature is written in a cursive, flowing style.

Kate T O'Mahony Abhcóide  
Cathaoirleach

# Comhaltaí an Bhinse 2025

<b>CATHAOIRLEACH</b>			
Kate T O'Mahony Abhcóide.			
<b>LEAS-CHATHAOIRLEACH</b>	<b>PAINÉAL na bhFOSTÓIRÍ</b>	<b>PAINÉAL na bhFOSTAITHE</b>	<b>Rúnaí don Bhinse</b>
Penelope McGrath Abhcóide.	Joe Browne	Noel Dowling	Robert Furlong
Niamh O'Carroll Kelly Abhcóide	James O'Neill	Suzanne Kelly	
	Neil Ormond		

## 1. Díscáileadh an Bhinse Achomhairc Fostaíochta

### 1.1 An tAcht um Chaidreamh san Áit Oibre 2015

Faoin Acht um Chaidreamh san Áit Oibre 2015 (Uimh. 16 de 2015), tháinig deireadh le feidhmeanna an Bhinse Achomhairc Fostaíochta maidir le héilimh nó achomhairc nua agus níor taisceadh aon chásanna den sórt sin leis an mBhinse ón 1ú Deireadh Fómhair 2015. Ghlac an Coimisiún um Chaidreamh san Áit Oibre, inter alia, le feidhmeanna céadchéime an Bhinse Achomhairc Fostaíochta. Tá dlínse achomhairc aonair ag an gCúirt Oibreachais anois i ngach díospóid a thagann chun cinn faoi reachtaíocht cearta fostaíochta. Tá gach éileamh ar chearta fostaíochta agus gach achomharc a taisceadh leis an gCoimisiún um Chaidreamh san Áit Oibre agus leis an gCúirt Oibreachais faoi seach ón 1 Deireadh Fómhair 2015.

Choinnigh an Binse a fheidhm forfheidhmithe maidir le Moltaí na gCoimisinéirí um Chearta ach tá an fheidhm seo fós le haistriú laistigh den chóras leasaithe.

### 1.2 Díscáileadh an Bhinse Achomhairc Fostaíochta

Tá gach cás oidhreachta a taisceadh leis an mBhinse roimh 1 Deireadh Fómhair 2015 á thabhairt chun críche ag an mBhinse féin. In 2024, áfach, tugadh fógra don Bhinse faoi chás amháin a rinneadh a achomharc chun na Cúirte Cuarda agus na hArd-Chúirte araon.

## 2. Teagmháil

Is féidir teagmháil a dhéanamh leis an Rúnaíocht ag:

An Binse Achomhairc Fostaíochta  
Teach Lansdún  
Bóthar Lansdún  
Baile Átha Cliath 4  
D04 A3A8

Guthán: 01 6313085  
Ríomhphost: eat@enterprise.gov.ie

## 3. Staitisticí Cásanna

### 3.1 Cásanna Oidhreachta a Cuireadh de Láimh in 2025

Cuireadh gach cás oidhreachta i gcrích ag an mBinse faoi dheireadh na bliana 2024

### 3.2 Cásanna a Atreoraíodh in 2025

Ní raibh aon iarratas chun cinneadh nó moladh de chuid na gCoimisinéirí um Chearta a chur i bhfeidhm.

Tá cinneadh amháin de chuid an Bhinse curtha faoi bhráid na hArd-Chúirte. Tá Aonad Iarmharach an Bhinse Achomhairc Fostaíochta ag fanacht le breithiúnas na hArd-Chúirte sa chás sin lena fháil amach an seolfar ar ais chuig an mBinse é le haghaidh éisteachta De Novo.

### 3.3 Cásanna atá fós le tabhairt chun críche

Níl aon chásanna oidhreachta le héisteacht ag an mBinse.

## **4. Achomhairc chun na hArd-Chúirteanna**

Is féidir cinntí an Bhinse a athbhreithniú go breithiúnach nó achomharc a dhéanamh faoi roinnt Achtanna ar phointe dlí chun na hArd-Chúirte.

Is féidir achomharc a dhéanamh chuig an gCúirt Chuarda faoi chinntí an Bhinse i gcásanna faoi na hAchtanna um Dhífhostú Éagórach laistigh de shé seachtaine ón dáta a gcuirtear na Cinntí in iúl do na páirtithe. Tá an nós imeachta chun achomharc a dhéanamh in aghaidh Cinntí an Bhinse leagtha amach i Rialacha na Cúirte Cuarda ([www.courts.ie](http://www.courts.ie)). Soláthraíonn na rialacháin bealach freisin chun an Binse a chur ar an eolas faoin tarchur agus faoi thoradh na gcásanna a ndéantar achomharc orthu chuig an gCúirt Chuarda. Ón eolas a soláthraíodh cuireadh thart ar dhá chás (idir achomhairc agus forghníomhaithe) ar aghaidh chuig an gCúirt Chuarda.

## **5. Cinntí an Bhinse**

Coinníonn an Binse clár poiblí dá Chinntí de réir na reachta. Tá an Clár ar oscailt lena iniúchadh, saor in aisce, ag aon bhall den phobal le linn na ngnáthuaireanta gnó ag a oifigí i dTeach Lansdún. Tá roinnt Cinntí ar fáil ar an suíomh gréasáin freisin ar [www.workplacerelations.ie](http://www.workplacerelations.ie). Mar sin féin, in 2026 cuirfeadh tús leis an bpróiseas chun gach Cinneadh a uaslódáil chuig an suíomh gréasáin.